

Isãã wãrimè Mudáammu Di mpátíri tɔ̀ tìi náàntì

Isãã weè wãri mudáammu kó dipátíri, d̀i tu Kuyie nnáàntì pátè kó disanni. Ò d̀i wãri ke náá nKírisi ò benke t̀nti. Isãã do yóó wãri Mudáammu pátíri ke ś mbè f́ũnkoomu Kírisi kɔ̀be, kòo bè wãri ke bo yáúkũnne be k̀nti kè bè nfíúkú Kuyie nkó kuce miẽke. Isãã do yà mèè benkùmè do dò ncáá ncáá nwe ke né wẽ mme kũnni d̀è tu: Meyei nkóo kpààti d̀ommè ò nɔ̀, d̀è né bo nyóó dentenè Kuyie nnè ku kɔ̀be kè bèe na, kè Yesu Kírisi baatè.

Di mpátíri náàntì dúo ke d̀ommè

1. Mudáammu 1:1-8
2. Mɛbenkùmè ketimè Kuyie nhò benkemè nè yepátè yèyiekè ò wãri yè Kírisi kɔ̀be t̀rè 1:9-3:22
3. Dipátipõũ nè yecanniyè yèyiekè 4:1-8:1
4. Yetãtehe yèyiekè kó tináàntì 8:2-11:19
5. Dinìtìrì nè desĩnnè d̀edèrè kó tináàntì 12:1-13:18
6. Mɛbenkùmè tẽmè Kuyie nhò benkémè 14:1-15:8
7. Kuyie mmieke kó ibòòke 16
8. Babidɔ̀nni kó mudorimù nè bè namè musimmù nè Kuyie mpããnáàntì náàmbè siyáábìsí yembè 17:1-20:10
9. Tibeénti sɔ̀nti 20:11-15
10. Kẽĩnkè pànkè nè ketenkè pànkè 21:1-22:5
11. Tináàntì kó dikòu 22:6-21

Dimònni duunnímè

1 Yesu Kirisi dáa ntì náàntì tii bo di mpátíri miéke. Kuyie nkuù duó nkòò nàké o tǎmbè tii yóó tuǎkení, kòo duó nkè Kuyie ntǎnni tì nàké o kóo tǎnti Isǎã. 2 Kè Isǎã tì wǎri timǎu. Kuyie nhò nàké tì nè Yesu ò benke tì, ò yà dè nè ò kèè tì. 3 Dè nnaati wèè kàa nti nnáàntì Kuyie ndáa tì, kénnaati bèè kèrímú ke tì yie. Kuyie ndo nàké dii mǎnni kpéi di duunnímu.

Isǎã dǎummè Kirisi kǎbe tǎrè yèyiekè

4 Mí nyIsǎã mǎi dǎunko Kirisi kǎbe tǎrè yèyiekè yèè bo Asii.

Kuyie nkùù do bo, ke bo, ke yó mbo nè ku Yaá mmuyiekè mùù fité ku kpààtikàrì, bè di dǎò mesàà ke di duó ndiwèi 5 nè Yesu Kirisi wèè ti nàké Kuyie nkpeti weti weti, wèè ku ke yǎnté meketimè, wèè baké bekpààtibè bemǎu.

Wèè ti dǎo ke còu nho yǎi ke ti dǎeténè meyei, 6 ke ti ta o kpààtiyuu miéke ke tú ikuó niùbè, ke píi nho cice Kuyie ntǎmmú. O yètìrì ndeu, kòo mbaké sǎà! Kè dè mme ndo.

7 Daatenè! Ò kèrínímu yewetè miéke, kè titenti timǎu kǎbe nè bèè ò kùò kè bè bo ò yà kékǎmmú. Dè mme ndò.

8 Tì Yiè nKuyie mmuwǎrímú mumǎu yiè mbéimmu ke tú kuù tu diketirì nè kumàнку. Kù do bomu, ke bo, ke yóó kǎtení.

Kuyie mbenke dè Isǎã

9 Mí nyIsǎã di tebite Kirisi kó metaummè miéke, kè ti wǎ nke fǎùrì ke mi nke taunè Kirisi, ke wǎ nho kpààtiyuu miéke. Bè n kǎnne Patimǎsi, dihei dii soké meniè mmieke, n nàké mèè kpéi nke Kuyie nnáàntì nè Yesu m benke tì. 10 Teomǎpùtè matè yiè kè

Muyaánsààmù n túóté kè n keè metammè mamè n fõnkùò kè mè kpeñni ke dò nditãteheù kõme kè mè tu: ¹¹ Wãri a wúó ndè nkéduõnko Kirisi kãbe tĩrè yèyiekè: Efeesi kperi, Siminni kperi, Perikammu kperi, Tiyatiiri kperi, Sariti kperi, Fidaderifii kperi, nè Daodisee kperi.

¹² Kè n wèète ke bo yà wèè n nàánnè, ke yà sifitíkèkèè s̄yiekè mes̄o kpesi. ¹³ Kòò m̄ou cõm̄m̄ú si cuokè ke dõnnè Onitibire ke dáátí diyaaòbòri kè dì cùtè ke káákè o naàcèi, kòo bou fes̄oonaakõnfè o cuokè. ¹⁴ Kòo yùtì péi ke dò ntikónti, kòo nuò ncóu mmuháá. ¹⁵ Kòo naàcèi c̄óu nke dò mmebierime bè p̄t̄írí mmè dihõnni. Kòo tammè dò mmenie nhõ nhuutimè kucúcuku mièke. ¹⁶ Kòo t̄o siwãã s̄yiekè o nòutè youte, kè disiè menatimè medémè kperi yiení o nùù, kòo ìkè p̄inti diyie ð ncóummè kuyie ncuokè. ¹⁷ Kè n do o ìkè kéndò n ku, kòo n̄óo nho nòutè youte n yĩnkè ke dò: Kufõwaá mbá da p̄i, m̄i tu diketírí nè kumàнку. ¹⁸ N fòumu! N do kumu ke yãntè ke yó nfòu s̄ãã, ke baké mukũũ nke t̄o mu èi kpetínsi. ¹⁹ Wãri a wúó ndè nè a yóó yà dè. ²⁰ Nte siwãã s̄yiekè n t̄o si n nòutè youte nè sis̄oofitíkèkèè s̄yiekè benkú mù: Siwãã s̄yiekè tu Kuyie ntõrè nye yèè bo Kirisi kãbe tĩrè yèyiekè mièke. Kè sikèkèè tu Kirisi kãbe tĩrè yèyiekè.

2

Kuyie nnàké tì Kirisi kãbe tĩnni d̄i bo Efeesi

¹ Wãri Kuyie ntõnni d̄i bo Kirisi kãbe tĩnni d̄i bo Efeesi ke dò: Nte wèè t̄o siwãã s̄yiekè o nòutè youte nè sis̄oofitíkèkèè ò tu mù: ² N yém̄u a p̄i mmùù

tǎnkperímù, ke fěũté ke mi nke yááké bèè tu bemáà Yesu tǎrè ke yà bè sóummè. ³ N yému a fěũrìmè n kpéi nke mi, mbá a kǎnti í yārike. ⁴ Nte n yèmmè né í da naatinè tì: A ténke í n dǎ a do n dómè meketimè. ⁵ Dentení a do dii bǎri kéceete kǎpĩ nha do pĩ mmùù tǎmmú meketimè mǎnni, kǎa í cèete n kéroomu ke bo deite a fitírè de kǎri. ⁶ Nè memme a dǎò dè dèè wenni deè tú a yetemè Nikodaitibe tǎmmú m mù yete mèè botí.

⁷ Wèè mǎke yeto ke bo keè wèe keè Muyaánsààmù nǎá nti Kirisi kǎbe tǎrè.

Wèè bo na kǎtuǎke kumǎnku m bo ò duǎ mmufòmму tie mùù còmú Kuyie nkó kupúú sǎakù mu kó dibii kòo di.

Kuyie nnàké tì Kirisi kǎbe tǎnni dii bo Siminni

⁸ Wǎri Kuyie ntǎnni dii bo Kirisi kǎbe tǎnni dii bo Siminni ke dǎ:

Nte wèè tu diketíri nè kumǎnku, wèè ku ke yǎnté, ò tu mù: ⁹ N yému a fěũrìmè, ke yé a cǎnnimè ke né tú okpàati Kuyie mborè. ¹⁰ N yému bèè tu bemáà Sifube ke í bè tu, bè di níimmè, bè tu dibǎò kǎbe mbe. Bá nyǎkù a bo fěũtémè, dibǎò yóó di bennému kéduó nkè bèe kpetínné bémabè, kè di fěũté yewe tepítè. N wéèrì kǎtuǎke kumǎnku kè n da cú mufòmму kó dipi.

¹¹ Wèè mǎke yeto ke bo keè wèe keè Muyaánsààmù nǎá nti Kirisi kǎbe tǎrè.

Wèè bo na kǎtuǎke kumǎnku ò báá kú mukũũ ndérímù.

Kuyie nnàké tì Kirisi kǎbe tǎnni dii bo Perikammu

¹² Wǎri Kuyie ntǎnni dii bo Kirisi kǎbe tǎnni dii bo Perikammu ke dǎ:

Nte wèè tɔ disìè menatimè mèdémè kperi ò tu mù: ¹³ N yému a ãmè dibòò èì. Bá nè memme ke n taunè weti weti bá a í n yete, bá nè bè me nkùòmè n kóo tǒntì sààwè Āntipaa a cie dibòò ã dè. ¹⁴ Kè tìmatì né bo, n yí da naatinè tì, a kɔbe mabè yiemme Badammu kpeti, wèè do tié mBadaki kè bèe souté Isidayeribe, kè bèe cááké imaa mbè fié ì yebòkè, kéndounè betòbè. ¹⁵ Kàa wèete ke mɔke bèè tū nNikodaitibe kó itié. ¹⁶ Kàa í cèete, n kéroomu ke bo kuɔ de kó benitibè nè n nùù kó disìè.

¹⁷ Wèè mɔke yeto ke bo keè wèè keè Muyaánsààmù nàá tì Kirisi kɔbe tīrè.

Wèè bo na kétuɔke kumàнку, m bo ò duó mánnì wèè sòri, kòò duó ditápeírì bè wàri dì diyetipànnì, òmòù í yéè dì kè dè í tú bè dì duó nwè.

Kuyie nnàké tì Kirisi kɔbe tīnnì dī bo Tiyatiiri

¹⁸ Wāri nKuyie ntōnnì dī bo Kirisi kɔbe tīnnì dī bo Tiyatiiri ke dò:

Nte Kuyie mBire dèè nuɔ ncóu mmuhǎá nkè de naàcèì cóu nke dò mmeberimè bè pūtírínì mè dihònnì dè tu mù: ¹⁹ N yému a dɔari dè demɔu nè a n dómè ke n tá ke fííkú Kuyie nkó kuce, ke duó nhamáà mutōmmú ke mi, kàa tōmmú deuke ke pēēté mù do dòmmè. ²⁰ Nte n yí da naatinè tì: A yóumè onitipòkù Sesabeedi * wèè tu omáà Kuyie mpāānāàntì náàntò kòo suó n kɔbe, kè bè dauti dautinè betòbè ke cáá nyimaa mbè fié ì yebòkè. ²¹ Nh ò duómmu mēfié nkòò bo ceete, ò me nyí yie nke bo yóu o yei. ²² Dèè

* **2:20** Sesabeedi: De kóo nitipòkù nwe Sedoboammu do puokemè kòo ò tanné mubòǒfèù mieke. Wénté 1 Bekpààtibè 16:31. 19:1-2 nè 2 Bekpààtibè 9:22,30.

te kè n yóó ò fěũ nkéǎũ mbèè ò dautinè, kè bè sàa í yóumu de kó meyei. ²³ M bo kuɔ o kɔbe, kè Kirisi kɔbe tĩrè yeməuu banté n yémè benitibè yentotí nè be yèmmè, ke yóó yietí bá wè o tšmmú dòmmè.

²⁴ Díndi Tiyatiiri kɔbe bèè í tũnne de kó itié nyeyi, bèè í yĩté bè tu dè dibəəsàrì kpeti. N yí yóó di yíe ditəu mari. ²⁵ Mpĩnnè di kèè tì weti weti kè n yàa wētenèní. ²⁶ Wèè bo ndəəri n dómè kētuəke kumànkú m bo duś nkòo mbaké ibotí. ²⁷ Ò bo nyi cēmmú nè kumátipààti, ké nyi pùd ntiyaamatí kōme. ²⁸ Kè nh ò duś ntekūnwentéwātè.

²⁹ Wèè məke yeto ke bo keè wèe keè Muyaánsààmù nàá nti Kirisi kɔbe tĩrè.

3

Kuyie nnàké tì Kirisi kɔbe tĩnni dìi bo Sariti

¹ Wāri Kuyie ntōnni dìi bo Kirisi kɔbe tĩnni dìi bo Sariti ke dō: Nte wèè məke Muyaánsààmù mùyiekè ke tə siwāā siyiekè ò tu mù: N yému a dəəri dè, benitibè yèmmè dō nha fòumu kàa né ku. ² Daate kékpénkūnne bèè kpaá kè bè mu nyi ku páíí. N yému a borime í wennimè Kuyie nyìikè. ³ Dentení bè do da nàké itié mmèè botí, kéwēte ké ì tũnne keyóu meyei, kàa í dààte n kéroomu ke bo da dééte oyúókù kōme bá a bá nyé n tū̀koo dìi mōnni. ⁴ Bá nè memme bèmabè bomu Sariti mieke bèè í sãũ mbe yààti, bè bo nni nneinè ke dáátí tiyaàpéítì ke yé be borime wennimè. ⁵ Wèè bo na kētuəke kumànkú ò bo dáátí tiyaàpéítì, m báá ũté o yètìrì mufòmму pátìri mieke. M bo nàké n cice Kuyie nnè ku tōrè ò tumè n kou.

tĩũtóo. ¹⁷ A yèmmè mèè dò nha tú okpààti ke m̀ake demou, ke í kpa dèmarè. A né í yé ke dò nKuyie mborè a tú osénniwè ke tú ocĩrì ke tú fedawanfè ke tú kuyũ̀nkù ke bo dif̀kperì. ¹⁸ N da tièmmu ke tú a donté m borè meso mbè wè̀nkunne mè kékparikè, nè tiyaàpéiti kékãã nha fei, nè munontie kéãnné a nuo nkéna ḱyà. ¹⁹ N tièmmu n dó bè ke bè puoti. Yóu meyei nke yáúkunne a k̀nti. ²⁰ N cómmú dibòrì ndi ke bie, kè wèè kèè n tammè ke kpeté, n taroo kè ti nwè nke yo. ²¹ Wèè bo na kétuake kum̀anku m bo ò k̀anne dikpààtikàrì m borè, n na mèè botí ke k̀ari Kuyie mborè.

²² Wèè m̀ake yeto ke bo keè wèè keè Muyaánsààmù nàá nti Kirisi k̀obe tĩrè.

4

Kuyie nkpààtikàrì

¹ De kó dif̀nkúò kè n wète ḱyà keĩnkè kpetémè, ḱekèè metammè kè mè ndònnè n sòò kèè dìi tãteheù k̀ome kè mè tu:

Dekení die nkè n da benke dèè yóó d̀o.

² Dende bàmbà nkè Muyaánsààmù m píe kè n yà keĩnkè dikpààtikàrì kòò m̀ou dì k̀ari, ³ kòo ìikè dò ntinóbénti ke mièti, ke wète ke mièti ke dò nyekũ̀. Kè kutãmmeyãrì fité de kó dikpààtikàrì ke mièti ke dò mmenónnúù. ⁴ Kè yekpààtikàrè sipísìdé nè yènàà dì fité, kè bekótìbè sipísìdé nè bènàà yè k̀ari ke dáátì tiyaàpéiti ke óké yesoapikè. ⁵ Kè dikpààtikàrì pĩnti ke kũnti ke péú fetaafe òò mmí nkè dè kũnti ke péumè, kè ifitíyì ìyiekè c̀ou nyìi tu Kuyie nyaá mm̀uyiekè. ⁶ Kè de kó dikpààtikàrì ìikè dò ndàmèèrì, ke dò ndoii ke dò ntewèitè.

Kè dèmarè fòurè dènàà kàri ke di fité ke màke inuò nde ìkè nè de fōnkúò. ⁷ Kè deketirè dò ndicirírì, dèdèrè dinaadaà, kè detāánnè ìkè dò nhonitì kàke, kè denaannè dò nfeṭúúfè èìnte. ⁸ Bá dè, kè dè màke ifièti ìkuò kè inuò nhā i ñnkè nè i mièke, kè dè diè nsāā ke tú:

Ti Yiè nKuyie mmuwērímu mumou yiè
ndò páí, páí, páí nwe,
kù do bomu,
ke bo, ke yóó kàtení.

⁹ Kè de kó denennè denàà diè nke sāntí wèè fòu sáā, ke kari dikpààtikàrì. ¹⁰ Kè bekótíbè sipísidé nè benàà nínkú wèè fòu sáā o ìkè kéhóóté be pikè kédóu nho ìkè ke dò:

¹¹ Ti Yiè nKuyie
fáā dò nti nda sāntí
ke déúkùnkò a yètìrì,
a kpeñnìmu
ke yé fáā dómè ke dòò demou
ke te kè dè bo.

5

Yekpetínyè yèyiekè kó tináàntì

¹ Kè n yà wèè kàri dikpààtikàrì kòò tò o nòutè teyoute dipátíri dii wàri di ñnkè nè di mièke, ke kpèù nke dànne yecanniyè yèyiekè. ² Kè n yà Kuyie ntōnnì kperì kè di pīēkù ke tú: We mbo na kékéété yecanniyè yiè nképīnte dipátíri?

³ Òmòu í mbo keñnkè mièke nè ketenkè ñnkè, yoo ketenkè mièke, wèè bo na kēpīnte de kó dipátíri kékāa. ⁴ De mōnnì kè n kuó mmedè, òmòu í bomè wèè bo na ké di pīnte kékāa. ⁵ Kè bekótíbè kòò mōu

n nàké ke dò: Bá nkuò, nte Sudaa kàbe kó dicìrìcìrì, okpààtì Dafiti yaàbirε wèè na dikpànnì, ke bo na kékéété de kó yecanniyè képĩnte de kó dipátíri.

⁶ Kè n yà dèmarè kè de dò ndipebii ke cómmú dikpààtikàrì nè bekótíbè nè dèmarè fòurè denàà cuokè, ke dò mbè do di kùò, ke màke yeyiè nyèyiekè nè inuò nyìyiekè, dèè tu Kuyie nYaá mmùyiekè kù duònní mù kutenkù kumòu. ⁷ Kè de kó dipebii tóónnì wèè kàri dikpààtikàrì o borè kécòuté ò tò dii pátíri o nòutè youte. ⁸ Kè denennè defòurè denàà nè bekótíbè sipísìdé nè bènàà nínkú di ìikè ke tò bemòu tikùtìdùùtì nè sisòobúkúsí, kè sì piéké tùdààrí, dèè tu Kuyie nkàbe kó mubáammu. ⁹ Kè bè ndiè nfeyempanfè ke tú:

Fóò mánne kécòuté dipátíri
kékéété di kó yecanniyè,
ke yé fòò kúmè ke deeté
iwuò nyimòu nè ibotí imòu
nè benitìbè bemòu nè yebotè yemòu
ke bè duó nKuyie.

¹⁰ Ke bè tanné ku kpààtiyuu miεke
kè bè tú ikuó niùbè,
ke pĩ nKuyie ntòmmú,
ke yó mbaké kutenkù.

¹¹ Kè n wète kéwénté kékéè Kuyie ntòrè sikòupípi
cèètemè dikpààtikàrì nè dèmarè fòurè denàà nè
bekótíbè ke diè mmèdiè nke tú:

¹² Dipebii bè kùò di,
dii mánne Kuyie ndi duó mmuwèrímú,
nè tikpàtì nè mecìi,
nè tikpetì, nè disānni,
nè didontìrì nè diyetidierì!

13 Kè n keè Kuyie ndòò dèè kó dimàà, keĩnkè kperε nè ketenkè kperε nè ketenkè mieke kperε nè dà mèèrì kperε dè dièmmè ke tú:

Wèè kàri dikpààtikàri nè dipebii,

bèè te disānni, nè didontìrì,

nè diyetidierì,

nè muwērimú mumou yebie nyebie.

14 Kè denennè fòurè denàà dò: Dè mme ndò. Kè bekótìbèè nínkú ké bè sántε.

6

Sisēl sìnàà kó tináàntì

1 Kè n wénté kényà dipebii kèétemè dicannirì ketirì, kè dèmarè fòurè denàà kó dèmarèε pεε fetafè kōmε ke dò: Kōtení! 2 Kè n yàní tesāmpéitè, wèè tè dèke kòò tō mutāmmù ke kōri dikpānni, ke óké menakùmè kó dipiì. Ò dié nkénamu dikpānni ke kōri ke bo yíé kékpa nkéna.

3 Kè dipebii yíé kékéété dicannirì dérinnì kè n kèè denennè fòurè dérinnè béimmè ke tú: Kōtení!

4 Kè tesānwūātèe yènnì kè bèε duó nwèè tè dèke muwērimú nè disiè dierì kòò bo konne benitìbè kè bèε kuò betòbè kutenkù kumou.

5 Kè dipebii kèéte dicannirì tāānni, kè denennè fòurè tāānnèε béi nke dò: Kōtení! Kè n yàní tesānsòutè, wèè tè dèke kòò tō tēbiètè. 6 Kè n kèè denennè fòurè denàà kó dèmarè béimmè ke dò: Tidiitì bè tu tì bédéè tēbiètè mēmáà nè bè tu tì ódisì tēbietè mètāāti diyie dimáà tōmmú kpéi, kényóu mekùò nnè menàà.

7 Kè dipebii yíé kékéété dicannirì naannì, kè n keè dèmarè fòurè naanne béimmè ke dò: Kōtení! 8 Kè n yà tesāntè kè tè dò mmenóōnnúò, nkè wèè tè dèke kòò yètìrì tu mukūũ, kè mukūũ nhò tū. Kè bèε

mù duó muwḗrímú, kè mù bo kuɔ ketenkè wétiri kó dikée kɔbe nè yese nè dikònni nè muməmmú, kè tikpasĩnti mbè cǎá nke kòu.

⁹ Kè dipebii kéété dicanniri nummùri, kè n yà diwūštònni borè bèè do náante Tináaṅsààti kè bè bè kùɔ be wērè. ¹⁰ Kè be pīēkù ke tú: Ti Yiè nwèè kpa meyei, ke náá ntimómmənti, a yóó bekénè ðmmònni kutenkù kɔbe ké bè kpetínné ke fós mbè ti kùəmə? ¹¹ Kè bèè duó mbá wè diyaàbòri péiri ké bè nàké ke dò: Di nkpaá ke mi nke kəmmú bè bo kuəmə di kɔbe bè dò nkékuə bè bè di kùɔ mēè botí, nè bè di wē mmutōmmú.

¹² Kè dipebii kéété dicanniri kuónni, kè ketenkèe sántè mmədiè nkè diyie soute kuyaasòukù kōme, kòo tǎnkùu wūšté ké ndò mmeyĩ. ¹³ Kè siwǎā nduóni kuyaakù ðṣ fuutè kè fikie kó yetebe nduóni mēè botí. ¹⁴ Kè keĩnkèe kpéú nkpeú nkumièkù kōme kəpēštóo, kè yetārè nè ketenkè kèè soké dāméèri kè dèe íté dè do borè. ¹⁵ Bèè baké ketenkè, bekpààtibè, behǎāpòmbè iwēĩ yembè, bedítikpààtibè, bekperibè nè benitibè beməu, tidaati nè bèè í tú tidaati, kè bè cokù ke taà titādènti nè tidúótì. ¹⁶ Ke dè nàá nke tú: Duónèni ti ĩnkè ke ti kǎā nKuyie nnè dipebii kè be mieke báá ti do. ¹⁷ Be mieke kó diyie yeiri dii tùðke kè be mieke peike. We mbo nkpaá?

7

Isidayeeribe bè ĩkú bè Kuyie nkó mɛcannimè

¹ De kó difōnkúò kè n yà Kuyie ntōrè yè̀nàà yè̀è te kuyaakù kè yè còmmú itemmànke inàà, bá di kè di bàa di kó kuyaakù, kè kù báá fuute keĩnkè nè ketenkè yoo dāméèri yoo mutie mamù. ² Kè Kuyie ntōnni teri yènni diyie yè̀ni kèè bíékè, ke tɔ

Kuyie nfòukù kó mecannimè, kéréi nKuyie ntōrè yenáà kù duó nyè muwērímú kè yè bo pante ketenkè nè dàméèrì. ³ Ke dò: Di mu mbáá nampe ketenkè yoo dàméèrì yoo mutie mamù. Yóunè kè bèe ìkú Kuyie nkòbe tĩ mmecannimè kédeè. ⁴ Kè yè n náké yè ìkú Isidayeeribe wuò nyimòu mieke benitìbè tĩ mecannimè kè bè màmè kè bè mbo tekoupiókùtè nè sikoupiísìnàà nè sikoupiísìnàà (144000).

⁵⁻⁸ Sudaa kòbe tekoupiíítè nè sikoupiísidé (12000),
 Dubenni kòbe 12000,
 Kati kòbe 12000,
 Asee kòbe 12000,
 Nefutadii kòbe 12000,
 Manansee kòbe 12000,
 Simmeḏḏ kòbe 12000,
 Defii kòbe 12000,
 Isaka kòbe 12000,
 Sabunḡ kòbe 12000,
 Sosefu kòbe 12000,
 Bensamē kòbe 12000.

Ibotí imòu tĩnni kó tináaḡti

⁹ De kó difōnkùò kè n yà yebotè yemòu kòbe nè ibotí imòu kòbe, nè benitìbè bemòu nè iwuò nyimòu kòbe kè bè tikú ditĩnni dieri ke í dò nkéna kékaa nke dáátí tiyaàpéíti, ke cómmú dikpààtikàrì nè dipebii de ìkè, ke pikú tipuonti. ¹⁰ Ke pīēkù ke tú: Kuyie nkùù kàrì dikpààtikàrì ìnkè nè dipebii, beè ti deeté. ¹¹ Kè Kuyie ntōrè yemòu nè bekótìbè nè denennè fòurè denàà kè bè cēēte dikpààtikàrì, ke nínkú ke sāntí Kuyie ¹² nke tú: Dè mme ndò! Ti Yiè nKuyie nfó nnè mutōmmú! Fḏḏ mǎnnè disānni nè diyetidieri nè mecìl, nè didontìrì nè muwērímú mumòu yebie nyebie. Kè dè mme ndò.

13 Kè bekótibè kòò m̀òu m beke ke d̀: A yé bèè me ndáátí tiyaàpéit̀àà, bè yènní d̀èà? 14 Kè nh ò t̀énné ke d̀: N yìè nf̀òò yé. Kòo n ǹaké ke d̀: Bèè f̀éũté bèmbè mediè nke òú be yaàbòrè nè dipebii ỳĩ nkè yè p̀eike. 15 Dèè te kè bè bo diè nKuyie nkpààtikàri ìkè, ke p̀ĩ nku t̀ómmú s̀áà ku c̀f̀ètè. Wèè k̀ari dikpààtikàri kòo bo mbè bonè ke bè k̀anké. 16 Dikònnì nè sinéyẽ dè t̀énke báá bè p̀ĩ, diyìè nè kuyiinkù dè me mbáá bè poté. 17 Dipebii dii k̀ari dikpààtikàri dii yó mbè c̀émmú kè bè niité mufòmmu binte kè Kuyie mbè ùté be ǹnnieti.

8

Dipebii kèétemè dicanniri yiènni

1 Dipebii kèéte dii m̀nni dicanniri yiènni, kè dè d̀ó yúó kènkè mièke kèmmòke tewebiètè m̀fitimè sipisitàati. 2 Kè n yà Kuyie ntòrè yèyiekè, kè kùu yè dúó nyetàtehe yèyiekè.

3 Kè Kuyie ntònni teri k̀atení kécómmóo dihúúntònni ìkè ke t̀o tesòbuute, kè bèè t̀e píe ntùdààri, kè dii wènnénè Kuyie nkòbe kó mubáammu ke bo tuò ndihúúntònni ìnkè m̀esò nkperi dii bo dikpààtikàri ìkè. 4 Kè kuyukú t̀udààri kòku wènnénè Kuyie nkòbe kó mubáammu Kuyie ntònni ǹùtè mièke kèndekù Kuyie mborè. 5 Kè Kuyie ntònni túótè tesòbuute kékouté muhãã nkéúte ketenkè, kè fetaafe mpéú, ke kuò, nke wéí, kè ketenkè s̀anti mediè.

Kuyie ntòrè yèyiekè eémè yetàtehe yèyiekè

6 Kè Kuyie ntòrè yèyiekè yèè t̀o yetàtehe kè yèè báátí ke bo eé.

⁷ Kè diketirìi eé kè yemátárè nè muháá nkè dè nkəkénè meyĩ nke duóní, kécóúté ketenkè kó yewétiyè yètāāti kó òimari nè detie nnè timúsũũti.

⁸ Kè Kuyie ntōnni dèrìi eé ditāteheù, kè dèmarè ncóú nke deu ke dò nditāri dièrì, kédoroo dàméèrì mièke, kòo wétiyè yètāāti kó òimari naá mmeyĩ.

⁹ Kè de kó diwétirì kó siyĩ kú, kè bàtóòbè bèè bo de mièke kè bèè cake.

¹⁰ Kè Kuyie ntōnni tǎǎnni eé, kè tewātè diètè matè còú mmuháá nkédonní ikó nnè sibií kó yewétiyè yètāāti kó òimari mièke. ¹¹ Kè de kó tewātè yètirì tu mēdōmmè, kè tē do dii wétirì kó meniè nnaá mmedōmmè kè benitibèè yà kékú.

¹² Kè Kuyie ntōnni naannì eé. Diyiè nè otānkù nè siwāā kó yewétiyè yètāāti kó òimari soute kè kuwenniku í mbo kuyie nkó yewétiyè yètāāti kó òimari nè keyènkè kpèye kó òimari.

¹³ Kè n yà fetúúfè mafè kè fè èinte keĩnkè, ke kuò nke tú: Dindi ketenkè kəbe di bo yà! Di bo yà! Di bo yà! Kuyie ntōrè yètāāti tēyè bo eé dii mōnni yetātehe.

9

¹ Kè Kuyie ntōnni nummùrìi eé ditāteheù, kè n yà tewātè donnimè ketenkè kè bèè tē duó ndifōtirì cūmpuri kó sikpetínsi. ² Kè tēè di kpeté, kè kuyukú dièkù nyièni fehāātōfè kōmè, kēsōukūnne diyiè kè dèè biitoo. ³ Kè fēcofēè yènni kuyukú mièke kēpitóo ketenkè. Kè Kuyie nfè duó mmuwērímú kè fè bo ntũōti benitibèè inaá nkōmè. ⁴ Kè Kuyie nfè nàké ke dò: Báá kááké timútì nè detie nnè tidiiti. A ntũōti n yí ikú bèè tĩĩ mmecannimè máà. ⁵ A báá bè

kùw, á mbè tũš̀tì kè dè yóu ke dò nyinaá, ké bè fěũ mbetããbè bènùmmù. ⁶ De kó betããbè mieke benitibè bo wammú mukúũ kémónté, bè bo mmù dó nè be yèmmè memou kè mùu coké kédété.

⁷ Kè de kó fecofe dò nsisěĩ sù bàátí ke kəri dikpànni, kè fè yó dò nyesoapikè, kè fè iikè dò nkenitikoke. ⁸ Kè fe yùtì òkù ke dò ntinitipokpeti, kè fe nù ndò ndiciriciri kpeye. ⁹ Kè fè dàátí dimátíyaàbòrì ke kəri dikpànni, ke putì kè dè ùuti ke dò nsikparinaasěĩ. ¹⁰ Kè fè mòke iyéí kè ì dò nyinaá nkpeyi. Kuyie nfè duó mmuwěrímú kè fè yó nyi ntũš̀tinè benitibè betããbè bènùmmù. ¹¹ Kè difš̀tirì cũmpuri kóo kpààtì fè baké kòo yètìrì tu: Okàùtì, nè ebedee kó tináaàtì Abanw, nè kereki kpeti Apodiyōš.

¹² Meyei nketimè pš̀etému kè mèdémè kpaá kéríní.

¹³ Kè Kuyie ntš̀nni kuš̀nni eé ditãteheù, kè n kèè metammè mamè yènnímè disoohúuntš̀nni dii bo Kuyie nyiikè di pùtì. ¹⁴ Kè mèe náké Kuyie ntš̀nni kuš̀nni ke dò: Bouté yebwakerè yenaà yèè bou kukó ndiekù Efadati borè. ¹⁵ Yè do de bo ke baà de kó dibenni ndi nè de kóo tãnkù nè de kó diyè nè de kóo déèrì weti weti. Kè bèe yè bouté kè yèe kuw ketenkè kó yewétiyè yètããtì kó òmarì kabe. ¹⁶ Kè bè n náké ke dò: Behããpòmbè bèè dèke sisěĩ, bè sũmu ke bo sikoupi sikoupi. ¹⁷ Kè n yà sisěĩ, bèè sì dèke kè bè dàátí yemátíyaàbòrè, kè yèmayè wũš̀ ke dò muhãá, kè yeteyè dò ntiwetì, kè yeteyè dò mmuhããponyuo, kè sisěĩ yó dò nyeciricirè kpeye. Muhãá nnè kuyukú nè muhããpòpùo nkè dè yìèní si nò, ¹⁸ kékùw ketenkè wétiyè yètããtì kó òmarì kabe. ¹⁹ Kè si nò dš̀mmù ke

kaù kè si yéi m̄ke yeḡ kè yè dò nyiwààke ke d̄ammù ke kaù.

²⁰ Meyei nyí kùò bè í nyie nke bo ceete kētũnne Kuyie, kénkpaá tũ nyebokè ke yè bàá nnè sis̄oatenkaanì, nè timátì péitì kpesi nè dis̄oawũð kpesi nè yet̄arè kpesi nè ideí kpesi. Bè dè d̄òmu, dè í wúó ndè í n̄o nke náá, dè í n̄o nke centi. ²¹ Bè í yie nke bo yóu muyóò, munitikòù nè tinitinònti, ke d̄outi d̄outinè betòbè.

10

Kuyie ntõnni tòmè tepátíte

¹ Kè n yà Kuyie ntõnni kperi mari, kè di cùténì keĩnkè yewetè mieke, ke írí kutãmmeyārí, kè di ùkè p̄nti ke dò ndiyiè, kè di tààke c̄su mmuháá. ² Kè di pikú tepátíte, kèna di naàcètè youte dàméèrì kèna tecānkutè ketenkè. ³ Kè di p̄e metamme mediè ndiciriciri k̄me, kè itapíé iyiekè c̄úté. ⁴ Kè nni ndó k̄wāri di b̄ei ntì kè metamme mamèe béinnì keĩnkè ke d̄ò: Báá tì wāri, ntì yé amáà.

⁵ Kè n yà Kuyie ntõnni dii do na di naàcètè dàméèrì kè tetetè na ketenkè, kè dii youte di n̄utè keĩnkè, ⁶ k̄parikè k̄yú wèè bo s̄áà nho yètiri wèè d̄ò keĩnkè nè dèè kó dimàà bo ke mieke, ketenkè nè dèè kó dimàà bo, dàméèrì nè dèè kó dimàà bo, ke b̄ei nke d̄ò: Dè ténke í yóó oate dè bo d̄òmè. ⁷ Kuyie ntõnni yiènni bo eé dii m̄nni dit̄ateheù kè Kuyie nd̄ò ku s̄òri kpeti kù do nàké tì ku kó betōmbè ku p̄ānāānti náam̄bè.

⁸ N do kèè mèè tammè kè mèe w̄ete k̄béinnì keĩnkè ke d̄ò: K̄ote k̄éc̄uté tepátíte Kuyie ntõnni dii còm̄mú dàméèrì nè ketenkè di t̄ò t̄è.

⁹ Kè n kətoo ke dò: N duó ntepatíte. Kè di dò: Nto te kémaánko. Tè bo nweeti a nuù ke dò mmecekùò, kéntii a pəuti.

¹⁰ Kè n cəuté tepatíte Kuyie ntōnni nòutè miεke kémaánko, kè tè mēnke nweeti n nuù ke dò mmecekùò, kətaroo m pəuti kéntii.

¹¹ Kè Kuyie ntōnni dò: A dò nkéyíé nákému Kuyie mpāānāānti titenti timəu kpreí, ibotí iməu nè bekpààtibè kpreí.

11

Kuyie mpāānāānti náam̄bè bedé kũũ nnāānti

¹ Kè bè n duó nkupààti kùu beúnè ke dò: Íté kébenné Kuyie ncīētè nè diwūōtōnni, kékaa mbèè bo te miεke ke báá nKuyie. ² A me mbáá benné Kuyie ncīētè kó kudànkù, ke yé Kuyie nyóó duóm̄mè kè yeboṭèe m̄può ndihèi sààri ke dò betāābè sipísìnàà nè bédébè *, ³ kè ní duó nkè benitibè bédébè nnáá n kpreí nkè bèè dáátí tifòtōnti, ké nnáá m pāānāānti ke dò yewe tekoupiíte nè sikousidé nè sipísikuò (1260) † nyètāāti ndi nè dikée.

⁴ De kó benitibè tu odifiè kó detie ndèdérè nde nè sifitíkèkèe sidési dèè cōmmú Kuyie nkùu baké ketenke ku iikè. ⁵ Kòò məu dó ké bè dòò meyi mmuhāā nyènni be nə miεke kòò kùo. ⁶ Kè bè mòke muwērímú ke bo na kéwetínné fetaaḫè bè nāá ndii mōnni Kuyie mpāānāānti, ke bo na kéceete menie nkè mēe nāá mmeyiĩ, ke bo na kédəò meyi mmeməu bè dó mēè botí.

* **11:2** Betāābè sipísìnàà nè bédébè dè bo yebie nyètāāti ndi nè dikée.

† **11:3** Yewe tekoupiíte nè sikousidé nè sipísikuò bo yebie

7 Bè dèè dìi m̀ǹǹǹi mutōmmú Kuyie mbè duó mmù, kè musĩmmùu yènní difò̀tìrì cūmpuri, ké bè kpannè ké bè na, ké bè kùò, ⁸ kédòúnko diheì dièrì mièke bè do baaké dè be Yiè nkudapā́tí. Kè bè nduó kuce nùù. Bè yu dìi èi ke donnìnkonè Sodammu yoo Esibiti. ⁹ Bè bo bè kùò, kè benìtibè bəmou, ibotí imou kəbe, iwuo nyimou kəbe, yebotè yemou kəbe tii, ké mbè wèi ke d̀ò yewe yètā́tí nè dikéè, ḱeyete bè bo bè kũnnémè. ¹⁰ De kó benìtibè bedé kũ mbo narike kutenkù kumou kó benìtibè, kè bè mpā́ mbetə̀bè yepārè, ke yé de kó Kuyie mpā́nā́ǹtì náambè do bè kóónnèmè. ¹¹ De kó yewe yètā́tí nè dikéè kó difò̀nkúò kè Kuyie mbè f̀ù̀tè muyaá nkè bèe yánté, kè kufṓwáá mpĩ mbèè do bè wùó mmediè. ¹² Kè bèe keè metammè mamè kè mè pĩèkù kèĩnkè ke tú: Dekenèní diè. Kè bè ndeètòo yewetè mièke, kè be kpantídèntə̀bè bè wùó. ¹³ Dende bàmbà nkè ketenkèe sántè mediè nkékuò diheì wétìrì dipínni kəbe sikəupísìyiekè (7000) kè kufṓwáá mpĩ mbesə̀mbe kè bè ndéúk̀unko Kuyie nyètìrì.

¹⁴ Meyei ndérímè pèètému kè metā́ammè yóo tuəkení bàmbà.

Kuyie ntōnni yiènni eémè ditā́tə̀heù

¹⁵ Kè Kuyie ntōnni yiènni eé ditā́tə̀heù kè metammè mamèe pèe deĩnkè ke d̀ò: Ti Yiè nKuyie nnè Kirisi bèe yó mbaké kutenkù yebie nyebie nsā́.

¹⁶ Kè bekótìbè sipísìdé nè bènàà bèè kàri yekpà̀tìkà̀rè Kuyie nyìkè kè bèe nínkoo ké kù sántè ke d̀ò:

¹⁷ Kuyie nkperíkù,

ti da sántí f̀́ nwèè do bo,

ke bo, a benkemè a wèrímú ke baaté.

18 Benìtibè miεke do da péimu,
 di mmònnì kàa kòke bè pεike,
 kàa yóó bekénè becíribè
 káyietí a tōmbè a pãánáantì náam̀bè
 nè bèè tu a kòbe ke da dé,
 benitidiεbè nè besám̀póbè kέkuo bèè càari kutenkù.

19 Kè n yà Kuyie ncīètè kpetémè keĩnkè, kè
 metaummè tou ĩkú te miεke. Kè fetaafe mìi nke péú,
 kè yemátárè duóni mediè kè ketenkè sànti.

12

Onitipòkù péimè kè dinìtirì còm̀m̀ú ke baa

1 Kè n yà dèmarè kè dè dò nhonitipòkù ke dáati
 diyie tiyààti kōme, ke na otànkù, ke óké siwãã tepítè
 nè sidési kó dipì. 2 Ke pùó nke dó kέpeité ke kuònnè
 kuyonku.

3 Kè n yà dinìtirì dierì marì kè di dò ndiwũòri, ke
 m̀ake yeyo yeyiekè, yeyiè ntepitè, bá dìi yuu kè di
 òké dipì. 4 Kè di yóú kau siwãã yewétiyè yètããti kó
 dìmarì kpesi ke buònnì ketenkè, kè di bàa onitipòkù
 bo peitémè kè dìi cááké debire. 5 Kòo nitipòkùu peité
 kè Kuyie mp̀ankεε túóté debirè kékònnè. Deè bire yó
 mbaké benìtibè ke bè cēm̀m̀ú nè kumátipàati. 6 Kòo
 nitipòkùu coké kéta dikpàa kénsari kè Kuyie nhò
 piú ke dò yewe tekoupiítè nè sikou sidé nè sipísikuò
 (1260).

7 Kè mudoò ãnné keĩnkè kè Kuyie ntōnnì Misεeri
 nè o kòbe kè bèe kpannè dinìtirì nè di kòbe, 8 kè bè na
 kè bè ténke í mm̀ake kuce ke bo mbo keĩnkè. 9 Kè
 bèe tentení de kó dinìtirì dierì nè di kòbe ketenkè,
 fεwàáfè fèè do bo nè dimònnì bè tu fè dibòò yoo
 Satãã.

¹⁰ Kè n kèè metammè pèúmè keĩnkè ke tú: Kuyie mmònni tũ̀̀kemu kè kũ̀̀ deetè benitibè, ke benke ku wḗrímú, kè Kirisi baaté, kè bè tentení dibòò dìi do wátìrì Kirisi kòbe Kuyie mborè keyènkè nè kuyie.

¹¹ Dipebii kó meyĩ nnè bè nàké mèè kprí ntimóm̄m̄nti, deè te kè bè dì na, ke yie nke dúò mbemàà kè bè bè kũ̀̀ bá bè í yòte mukũ̀̀. ¹² Fó nkeĩnkè nè a kòbe de ndi naati. Ketenkè kòbe nè dààmèèrì kòbe di bo yà, ke yé dibòò cùténímè di borè kè di mieke cóu ndi yé mèè kprí nke dò ndimònni kũ̀̀pe.

¹³ Dinìtìrì yà dìi mònni di donnímè ketenkè, kéannenè onitipòkũ̀̀ wèè do peité denitidabire. ¹⁴ Kè Kuyie nhò ànnè itúfièti kòo puu kéta dikpàà cuokè kèsòrinè fèwààfè, kèmmàke yebie nyètããtì nè dikèè, kè Kuyie nhò piú. ¹⁵ Kè fèwààfèe tó meniè nke mèè naá nkukó ndiekũ̀̀ ke bo pònténè onitipòkũ̀̀. ¹⁶ Kè ketenkèe deetè onitipòkũ̀̀ kémaánko mèè nie ndinìtìrì tó mè. ¹⁷ Kè dèe yonke dinìtìrì kè dìi kòte kékpannè o bí sonyi. Bèè kó dimàà yie nKuyie nkuó ke tú weti weti Kirisi kòbe, ¹⁸ kékòte kéncom̄m̄m̄ú dààmèèrì také.

13

Dinìtìrì yóó pĩ mmùù tōmmú

¹ Kè n yà musĩmmù mamù kè mù yètiní dààmèèrì, ke m̀̀ke yeyò yèyiekè, nè yeyiè ntepiítè, bá dìi yènni kè dì òké dipiì, bá dìi yuu kè dì wàri ke sáá nKuyie. ² Kè de kó musĩmmù dònne dimannì, kè mu tààke dò nkutontonkũ̀̀ kp̄eyi, kè mu nùù dò ndicìrìcìrì kp̄eri, kè dinìtìrì mù duó ndi wḗrímú, ké mù kànnè mu kó

dikpààtikàrì ké mù duó ntikpetì. ³ Kè mu yuu mari dò ndi kòute ke na nku ke miété. Kè dèe di kutenkù kumòu kòbe kè bè mmù tū, ⁴ kénsāntí dinìtìrì di duó mmèè kpéí ndi wērímu musímmù. Ke múнке nsāntí musímmù ke tú: We nda mannè, we mbo na ke da kpannè!

⁵ Kè dinìtìrì duó mmuwērímu musímmù kè mù mbaké kutenkù ke dò betààbè sipísìnàà nè bèdébè, ke náá ntepòtè kó tináaṅtì ke sáá nKuyie. ⁶ Ke náá ntináanyèiti, ke caari Kuyie nyètìrì, ke sáá nku èi kéĩnkè, nè ku kòbe bèè kè bo. ⁷ Kè dinìtìrì duó mmuwērímu musímmù kè mù bo kpannè Kuyie nkòbe ké bè na, kémbaké iwuo nyimòu, benìtibè bəmòu ibotí imòu, yebotè yemòu. ⁸ Bèè yètè í wàri mufòmму pátìri Kuyie mpebii bè kùò di kperi, bèè yètè í bo de miéke nè Kuyie ndòòmè kutenkù kè bè nninku ke mù bàá.

⁹ Wèè mòke yeto ke bo keè, wèe keè. ¹⁰ Dè dò mbèe kpetínné wè bè yóó ò kpetínnému, dè dò mbèe kuò wè nè disiè bè yóó ò kùomu. Dèe te kè Kuyie nkòbe dò nkénwéèrì ke tū nKuyie.

¹¹ Kè n yíé káyà musímmù mamù kè mù yètìní ketenkè, ke mòke yeyìè nyèdèè, kè yè dò ntepedaatè kpeye, kè mu tammè dò ndinìtìrì kòme. ¹² Kè mù mòke muketimù kó muwērímu, kéduó nkè ketenkè kemòu kòbe mbáá mmusímmù ketimù mùù dò kòute, ke na nku ke miété. ¹³ Kè de kó musímmù dérìmmù ndòori tidietì ke níí béi nkè muhāá ncúténí kéĩnkè benìtibè bəmòu ìkè. ¹⁴ Kè mù ndòori tidietì bè yè mmùu dòò tì ke fétinko benìtibè kè muketimù wúò. Kè mùu duó nkè bèe dòò muketimù bè dò kòutemu nè disiè kè mùu miété mu kó tetenkaanìtè ke bo mmù dèúkunko. ¹⁵ Kè de kó musímmù dérìmmù

mməke muwērímú, kéānné mufòmmu tetenkaanitè kè tè nnə nke náá nkéduó nkè bè nkòù bèè yete bè bo nínkúmè ké tè sante. ¹⁶ Kè mùu duó nkè bèè canne benitibè beməu, bediebè nè besámǝpóbè, bekrààtibè nè idawaá tidaatì nè bèè í tú tidaatì, bá wè be nəu siyóú nè be tī. ¹⁷ Òmòù báá na kéfítè yoo wèe donté kè bè í ò wàri musímmù yètìrì yoo mu cannimè.

¹⁸ Wèè cii weè bo banté musímmù kó mεcannimè mie mmèè tu onitì yètìrì: Sikəu sikuə nè sipisikuə nè mèkuə (666).

14

Kuyie ndonté bè dièmmè fεyεmpànfè

¹ Kè n yà dipebii kè di còmú ditāri Siyōō ĩnkè, kè benitibè dè bo tekəupíkòùtè nè sikəupípísìnàà nè sikəupísìnàà (144000) kè dipebii yètìrì nè di cice kperi kè dè wàri be tī. ² Kè n kèèní metammè mamè kéĭnkè kè mè ùuti ke dò mmenie nduò kucúcuku, ke péú fetaafè kōme, ke wète ke dò mbè bie ntikùtidùùtì.

³ Kè de kó benitibè tekəupíkòùtè nè sikəupípí sìnàà nè sikəupísìnàà (144000) còmú Kuyie nkrààtikàri nè denennè fòurè denàà de ìikè nè bekótibè ìikè, ke diè nfεyεmpànfè òmòù í yóó na kédentè fè kè dè í tù bembε Kuyie ndonté bè.

⁴ Bè í sǝū mbemáà nè benitipòbè, bè dò mpáíí nwe, ke tū ndipebii tipítì timəu, Kuyie nkuù bè donté, kè bè duó mbemáà Kuyie nnè dipebii. ⁵ Bè í nàké siyáábisi diyèè mari, bè í dǝd meyei mmamè.

Kuyie ntōrè yètāati kó tináànti

⁶ Kè n yíé kényà Kuyie ntōnnì terì kè di èinte kéĭnkè ke tǝ Tináànsàatì tìl bo sǝà ke bo tì nàké kutenkù kuməu, yebotè yeməu, iwuə nyiməu, ibotí iməu,

benitibè bema. ⁷ Kè pĩ̀kù ke tú: Ndénè Kuyie nke déúkùnkò ku yètìrì. M̀báánnè ku, kuù d̀d̀d̀ kèĩnkè nè ketenkè nè dà̀mè̀èrì nè ikó, ku m̀d̀nnì t̀ù̀d̀kemu kè kù yóó bekénè benitibè.

⁸ Kè diterì ntũnní ke náá nke tú: Díndi Babidõnni diewè k̀b̀e di domu! Díndi b̀è̀è c̀à̀ke kutenkù k̀b̀e, ke b̀è̀ nì ndi kó m̀enaà nkè b̀è̀ c̀à̀ke ke d̀outi d̀outinè b̀et̀b̀è̀.

⁹ Kè Kuyie ntõnni tãánni ntũnní ke pĩ̀kù ke tú: Wèè yie nke nìnkú ke sãnte musĩmmù nè mu tenkaanitè, kè b̀è̀ c̀anne o tĩnni yoo o ǹù̀tè.

¹⁰ Kuyie mmieke b̀è̀ c̀ummu, kè kù yóó yauté ku naà nkperímè ku b̀ò̀fè̀ yeife mieke kè b̀è̀ yã, ke f̀éũtè muhãã nnè muhãpòp̀uò mmieke, Kuyie ntõrè sààyè nè ku pebii iikè. ¹¹ B̀è̀ bo ncóú nkè kuyukú yìèní kè b̀è̀ f̀éũrì keyènkè nè kuyie nyebie nyebie mbá b̀è̀ í ompu, ke yé b̀è̀ nìnkúmè ke sãnte musĩmmù nè mu tenkaanitè, kè mù b̀è̀ c̀anne mu yètìrì.

¹² Dèè te b̀è̀ tu Kuyie nk̀b̀e ke yie nku tannò, ke d̀õri kù dómè, kè b̀è̀ d̀ò nkénwéèrì ke tũ nYesu.

¹³ Kè n yíe kèkèè metammè mamè kèĩnkè kè m̀è̀ tu: Wãri tii: Dè nnaati b̀è̀ ò nyóó kú ke taunnè Kuyie. Muyaánsààmù tì b̀éimmu weti weti ke tú: B̀è̀ om̀p̀ènèmu mutõmmú b̀è̀ pĩ̀ mmù, kè Kuyie mbè yietì b̀è̀ pĩ̀ mmù tõmmú kpéí.

B̀è̀ d̀õnnè̀mè kutenkù kó mudeèmù mudidèi

¹⁴ Kè n yíe kèyà diwetipéiri, kòò m̀ò̀ kàri di mieke ke d̀ò nhOnitibire, ke ókè disõp̀i, ke t̀õ disenatirì.

¹⁵ Kè Kuyie ntõnni terii yènni Kuyie ncĩètè, kèpĩ̀kè kénákè d̀ii kàri diwetirì mieke ke d̀ò: Tidiiti bimù ketenkè, túótè a siè kè tì kũ. ¹⁶ Kòò túótè o siè kèhei nkékũ tidiiti timòu ketenkè.

17 Kè Kuyie ntõnni teri yènni Kuyie nciẽtè keĩnkè kpete mieke ke to disenatiri.

18 Kè Kuyie ntõnni dii baké muhãá nkè dii íteni dihúuntõnni borè, képiẽké kénáké dii to disenatiri ke dò: Mutie bè tu mù fínyi kó yebε bimu, túóté a siè ké yè kõũ. 19 Kè dii túóté disiè kéhei nkékõũ de kó yebε kéãnné Kuyie nnàù dè yetεβε ku mieke cóú nyè. 20 Kè bèε yè yènnè dihei mànkú kénau kè meyiĩ nyè képõnté kémmeke cidòmètiri bè sikousitàati (300), kè mecũmpume mbo métiri omáà nè dikéè.

15

Kuyie ntõrè nè meyi nsõmmε kó tináahti

1 Kè n yà dèmarè dierè keĩnkè kè dè n di. Kuyie ntõrè yèyiekè kè yè to meyi mmèyiekè, mèè yóó pèẽté kè Kuyie mmiekeε do.

2 Kè n yíé káyà dàméèrì kòo dò ndoii, ke dò ntewéitè ke cóú mmuhãá, káyà bèè do na musĩmmù ke í nińkú ke sãnte mu tenkaanitè, bá bè í mbè wãri mu yètiri kó mecannimè, kè bè cómmú de kòò dàméèrì ñnkè ke to tikùtidùùti Kuyie mbè duó ntì.

3 Kè diè mMõyiisi Kuyie nkóo tãnti kó feyènfè nè dípebii kãfe ke tú:

Ti Yiè nKuyie,

a tãmmú dεumu ke wenni,

ibotí imõu kpààti.

A dõõri dè demõu wennimu

ke tú demómmõnne.

4 Ti Yiè mbenitibè bεmõu da dému

ke déúkunko a yètiri,

fõõ dò mpáíí.

Ibotí imõu bo tíí

ke nínkú a ìkè ke da sãnte,
ke yé a benkemè a wetímè.

⁵ Kè n yíe káyà Kuyie ncīētè metaummè tou ìkú tē kpetémè keīnkè. ⁶ Kè Kuyie ntōrè yēyiekè yēè do to meyi mmēyiekè, kè yēè yēnní te mieke ke dáátí tiyaápéítì kè tì mìèti, ke bou isōnaakūō nyē cuokè. ⁷ Kè dēmarè fòurè dēnàà kó dēmarèe yē duó nyisōbòòke iyiekè, kè Kuyie nkùù bo yēbie nyēbie ku mieke píéké i mieke. ⁸ Kè Kuyie ndòò tidietì kēbenke ku wērímú, kè kuyukúu dátinné ku cīētè, òmòu í nna kéta, kénkémú ku tōrè nyēyiekè to mēè yēi mbo deēmè.

16

Kuyie mmieke yóó peike kè kùu duōnni mēè yēi

¹ Kè n kēè òmòu pīēkénì Kuyie ncīētè, ke náké ku tōrè yēyiekè ke dò: Kōtenè kēútè mmeyei mmèè ā isōbòòke iyiekè ketenkè, Kuyie mmieke peikemu!

² Kè Kuyie ntōnni ketirìi úténì di kó febòòfè kó meyi nketenkè, kè yemōnsīnyēe pī mbèè mōke musimmù cannimè, ke ninku ke sãnti tetenkaanitè, kényóu mediè.

³ Kè Kuyie ntōnni dērìi úténì di kó febòòfè kó meyi ndàméèrì mieke kòo naá mmeyī, kéndò mbè kùu onitì, dèè kó dimàà bo o mieke kè dèe kú.

⁴ Kè Kuyie ntōnni tāānni úténì di kó febòòfè kó meyi nyikó mmieke nè sibií kè dèe naá mmeyī.

⁵ Kè n kēè Kuyie ntōnni diì baké menie ndi nàámmè ke tú: A beénti wennimu fō nwèè dò mpáíi, ke do bo, ke bo. ⁶ Ke yé bè kùòmè a kó benitibè nè Kuyie mpāānāāntì náām̀bè, di mmònni kàa bè duó mmeyī

nkè bè bo yà. A bè duó mbè dò nha bè duó ndènde.
 7 Kè n yíé kékeè metammè yènnímè dihúúntònnì
 bíékè ke tú: N Yìè nKuyie nha bekù weti weti nwe,
 kè dè wenni.

8 Kè Kuyie ntōnnì naannì úténí di kó febòòfè kó
 meyei ndiyiè, kè di ãá ntuò mbenitibè. 9 Kè bè ncóú
 mmèdiè nke sáá nKuyie nkùù duōnnì de kó meyei.
 Bè me nyí nyie nke bo yóu meyei nke déúkūnne
 Kuyie nyètìrì.

10 Kè Kuyie ntōnnì nummùrì úténí di kó febòòfè
 kó meyei musimù kpààtikàrì ìnkè, kè mu èi biitoo,
 kè mu nitibè nkuōnnè kuyonku ke cáá mbe nì. 11 Kè
 yemuò mbè dōmmù kè dè bè yóu, kè bè sáá nKuyie
 nkéìnkè kōku. Bè me nyí nyie ke bo yóu meyei
 nkéceete.

12 Kè Kuyie ntōnnì kuōnnì úténí di kó febòòfè kó
 meyei nkukó ndiekù Efadati kè kùu kũũ, kè diyìè
 yìèní kèè bíékè kó bekpààtibè bo na képēēté. 13 Kè
 n yà yebòkè yètāāti kè yè dò nyecedakè. Kè yè yìèní
 dinìtìrì nùù miēke, yeteyè musimù kperi miēke,
 yeteyè wèè sóú nke tú ò nàá nKuyie mpāānāāntì o
 nùù miēke. 14 Yebòkè nye yèè nō nke dōōrì tidietì.
 Kè yèè kōte kégà titentì timōu kó bekpààtibè, kè bè
 bo wēnné kékpanne Kuyie nkùù baké kéìnkè nè
 ketenkè, dikpànnì dierì yiè.

15 Nyénè kè n kéroomu oyúókù kōme, dè nnaati
 wèè dāke ke ã o yààtì ke báá ce nhotetìrì kè bèe yà
 o fèi!

16 Kè de kó yebòkèe tíi mbekpààtibè bemōu dibòrì
 marì bè yu dì nè Ebedeebe kó tināāntì ke tú:
 Adimaketōō.

17 Kè Kuyie ntōnnì yìènnì úténí di kó febòòfè kó
 meyei nyewetè miēkení, kòò mōu pīēkénì Kuyie

ncfētè ku kpààtikàrì borè ke dò: Dè dòò ke dèèmu.
 18 Kè fetaafe mìí nke uuti, ke péu, kè ketenkè sànti
 mediè, kè mu nyí sàntè mēbotí nè Kuyie ndòòmè
 onìtì. 19 Kè diheidièe toté mètàāti, kè yebotè kó
 yehékè yeməuu n̄duò. Kè Kuyie nyí nyè mBabidənni
 kəbe kó meyei, kè ku miēkeē peike kè kuu bè n̄i nku
 bòòfè yeife kó menaà. 20 Kè bèe mόντόο ketenkè
 kèè soké soké dāmēèrì miēke nè yetārè. 21 Kè fetaafe
 mātārè nduóni ke cēè ke tuòkù cidòò sipìsìnàà, ke
 buoti benitibè, kè bè nsáá nKuyie nde kó meyei
 nkpeí. Ke yé mè do yóùmè mediè mmóm̄mməmmə.

17

*Bè yóó kuəmə onitipòkù wèè dauti dautinè
 benitidaabè*

1 Kè Kuyie ntōrè yèè do tə meyei mmèyiekè kó
 ibòòke kè ye kó d̄imarì n nàké ke dò: Kətení kè n
 da benke Kuyie nyóó bekenè mèè botí onitipòkù
 wèè dauti dautinè benitidaabè kè dè tonté, wèè tu:
 Diheidiè d̄i bo ikó mpéu borè. 2 Kè ketenkè kó
 bekpààtibè bəmou nè ketenkè kó benitibè bəmou kè
 bè d̄i duónè, ke muó mmenaà kōmē.

3 Kè Muyaánsààmùu n túóté kékətenè dikpáà
 cuokè, kè n yà onitipòkù m̄ou kòò dèke mus̄immù
 wūā̀mù, kè mù wà̀ri mu k̄nti timəu iwā̀rii kè ì
 sáá nKuyie, kè mù m̄əke yeyə yèyiekè nè yeyiè
 ntepiítè. 4 Kè de kóo nitipòkù dàátì tikpààtiyààti kè tì
 wūā̀, ke s̄ari weti weti nè medèi mmèè d̄òònè mesəə
 nnè yetásààyè ke tə febòòfè kè isəke nè meyei nhò
 d̄òòmmè benitidaabè kè dè ā de miēke. 5 Kòò wà̀ri o

tĩnni ke kutinne ke tú: Babidõnni, bèè dauti dautinè betabè nè bèè dòõri isake kperere be koo yõ.

⁶ Kè n yà ò muómme Kuyie nkabe kó meyiĩ mme nè Kirisi kabe bè kùò bè, bè yie mmèè kpéi nYesu.

Kè n dè yà kè dè n di. ⁷ Kè Kuyie ntõnni m beke ke dò: Dè da di ba nkpeí? M bo da náké onitipòkù nè ò dèke mùù sĩmmù kè mù màke yeyo yeyiekè nè yeyiè ntepiítè dè benkù mù. ⁸ A me nwúò mmùù sĩmmù do bomu, kaa mù màntóo. Mù wète ke yènni difõtiri ndi kè bè mù kùò. Kè dèe di benitibè bèè yètè í bo mufõmmu pátiri mieke nè Kuyie ndòòmè kutenkù, ke yé bè do mù yàmè ke wète ke mù màntóo, ke wète ke mù yà.

⁹ Die ntú mecii nkperere nde, yeyo yeyiekè tu yetãrè yeyiekè nye onitipòkù kàri yèè ñnkè, ke wète ke tú bekpààtibè bèyiekè. ¹⁰ Bènnùmmù domu, kòo kuónwè kpáá, oyiénwè bo tuakení dii mànni wenwe í yóó òte. ¹¹ Musĩmmù mùù do bo kè bèe mù màntóo mù tu okpààti níinwè, ke wète ke wènnè beketibè beyiekè ke yóó kù.

¹² A yà yèè yìè ntepiítè tu bekpààtibè mbe tepíítè bèè mu nyí di tikpàti. Bè né yóó tì dimu, kénwènnè musĩmmù ke dò dimònni sámpró. ¹³ Bemou tepíítè tente bè yóó wènnè dinùù ndi, kédúò mmusĩmmù be wèrímú nè be kpeti. ¹⁴ Kè bèe dokénè dipebii kè dii bè na, ke yé dii bakémè bèè baké, ke tú bekpààtibè kóo kpààti. Kè di kabe tú Kuyie ntãáté bè ke bè yu, kè bè kù tũ mmesàà.

¹⁵ Kè Kuyie ntõnni n náké ke dò: A do yà mèè nie nhonitipòkù wèè dauti dautinè benitidaabè kòò kàri me ñnkè, mè tu benitibè mbe nè yetĩrè nè yebotè nè ibotí imou kabe. ¹⁶ Musĩmmù yìè ntepiítè a yà

yè tu bekpààtìbè mbe bèè yó nní nhonitipòkù wèè dauti dautinè benitidaabè, kéfiète o kperè demou kóò còhńó difòkperì, kóò càáké kécóu ndesonne muhǎá. ¹⁷ Kuyie nkuù yóó bè duó nde kó meyèmmè kè bèè wēnné dinùù, ke duó mmusĩmmù be wērímu kè mùu dòò Kuyie béi ntì.

¹⁸ A yà wèè nitipòkù tu diheidiè ndi, dìi baké kutenkù kó bekpààtìbè bemou.

18

Babidanni domè

¹ De kó difònkúò kè n yà Kuyie ntōnni cùténímè keĩnkè ke mǎke muwērímu mediè nke mieti kè dèè wenkoo kutenkù kumou. ² Kè dìi pīéké mediè nke dò: Babidanni diewè domu! Ò domu! Ke naá nyebákè sīnyè nè tinàti sīnti kó dihei. ³ Titenti timou kabè nè bekpààtìbè, kè bè ò duónè ke muó mmenaà nkōme, kè benitìbè dó idíítí kperí kperè, kè de kó bepotambè kparikè.

⁴ Kè n yíé kékeení metammè mamè keĩnkè kè mè tu: Díndi n kabè, yènnè de kó dihei kéyenténè meyi mmèè yóó dì tùòkení. ⁵ Ke yé de kó dihei yei nsūũmmè, kè Kuyie ndààtení di kpéí. ⁶ Fóónnè di, dì di dòò dè, ke nóó nkuce mèmáà, ké dì nìi mmenaà mèè nkpeńni kuce mèdeémè kèpēēté dì do di duómmè. ⁷ Fēũnnè di mediè nkè dè mmannè dì di tìi kpàti ke yé dì do fuommè ke tú, dì tú onitipokpàati nwe, dì í tú okúpokù ke bo nkuò. ⁸ Dèè te kè Kuyie nyóó dì poté tiyēĩti diyìè dìmáà mièke: Mumǎmmú mùù kòu nè dikònni, ké dì còu mmuhǎá nkè dì nkuò ndikúdabònni, ke yé ti Yìè nKuyie nkpeńnimèmu kè kuù di bekénè.

9 Kè kutenkù kó bekpààtìbè bèè ò duónè ke kparìkè, ke naá mbedítìkpààtìbè kè bèe yà di cóummè kè kuyukú yìè kénkuò, 10 káyote de kó mefěũtímè, kécómmú medétimè ke sáútí ke tú: Áú yoò! Áú yoò! Babidōnni wèè do deu ke kpeñni, weè fěũri mie ndende bàm̀bànàà?

11 Kè kutenkù kó bepotambèe kómmú, ke yé òmòu ténke í dommè be potanti. 12 Tìi tu: Mesò, timáti péiti nè yetásààyè yebotí yebotí, medei, tiyaàsààti tibotí tibotí, tidabeesààti tibotí tibotí, yepápanii nkó tinenti, disòwũò nè timáti. 13 Ikũmbotí imou, tũdàaríbè nè tihúúnti bè tu tì mĩrì nè ànsáà nè menàà nè mekũò nè muyuo nsààmù nè bédée nè inààke nè ipe nè sisěĩ nè sinaàsěĩ nè tidaati bè fiiti tì. 14 Kè bepotambè nnáá nke tú: Idítìkperí kperè a do m̀ake dè ténke í kpaá, a ténke báá dè pètè bitì. 15 Kè bèè do fiiti tipotanti de kó dihei, kè bèe yote mefěũtímè kécómmú medétimè ke kuò ndikúdabōnni ke tú: 16 Áú yoò! Diheidiè dii do m̀ake tisāti timou idítìkperí kpeti: Tiyaàsààti idítìkperí kpeti tìi mièti nè mesò nnè medèi mmèè d̀d̀nè mesò nnè yetásààyè yebotí yebotí. 17 De kó tisāti càke dim̀nni dim̀áà.

Bèè piú bàtòòbè nè betòbè bèè pĩ mmutōmmú de mieke, kè bè ncòmmú mekentímè. 18 Ke wúò ndi cóummè kè kuyukú fĩ ke ntú: Dihei dii ndo í mannè òmarì, 19 kénkuò nke pĩ mbe yò ke tú: Áú yoò! Diheidiè dii kó tikpàti do te kè bepotambè bèè cèntinè bàtòòbè kè bè kparìkè dii p̀onte mie ndim̀nni dim̀áà?

20 Dè nnaati keĩnkè kòbe nè Kuyie nkòbe nè Yesu

tõrè nè ku pããnáàntì náam̀bè, Kuyie mp̀onte de kó diheì ke f̀òs ndì di d̀ò m̀è yei mme.

²¹ De m̀onni k̀è Kuyie ntõnni kperi marii túoté ditádièrì marii k̀è di maǹnè dinàà k̀ébo ndàméèrì mièke ke d̀ò: Mèè botí nku Babidõnni diewè yóo domè mecãã bá bè ténke báá ò yà. ²² Òmòu ténke í yóo keè tikùtidùùti, nè itãrì nè yetãtehe dè kuðmmè. Beyántìbè ténke í yó mbo, òmòu ténke í yóo keè cõnni kuðmmè. ²³ Muhãã nténke í yó ncóu, nhòmòu ténke í yóo keè odapàà nè osapàà mbè daúmè. A kó bepotambè bèè do baké titenti timou ke dõori denitinõnkperè, ke suó benitìbè.

²⁴ Kuyie nyóó bè bekénè Kuyie mpããnáàntì náam̀bè bè kùò bè kpéí nke nè Kuyie nkòbe bè kùò bè.

19

Dipebii tóúmè di pokù

¹ K̀è n keè ditĩnni marii dièmmè ke tú: Adeduya! Sãntenè Kuyie nkùù kpeñni k̀è ku yètìrì ndeu, kùù ti deeté. ² Kuyie mbekù weti weti nwe k̀è dè wenni, kù kpetínnému onitipòkù wèè dauti dautinè benitìbè ke bè càari. Ò kùò ku tõmbè mbe k̀è kù ò kpetínné ke f̀òs. ³ Ke yíé ke d̀ò: Adeduya! Sãntenè Kuyie, nde kó diheì cóummu k̀è kuyukú dekù tiwetì yebie nyebie. ⁴ K̀è Kuyie nni nkari ku kpààtikàrì k̀è bekótìbè sipísidé nè bènàà nè dèmarè fòurè dènàà ninkoo ku ìkè ke tú: Adeduya! Dè mme ndò. Sãntenè ti Yiè nKuyie.

⁵ K̀è n keè òmòu béinnímè Kuyie nkpààtikàrì borè ke tú: Díndi ku tõmbè bèè ku dé, bekótìbè nè besám̀póbè sãntenè Kuyie. ⁶ K̀è n yíé kékeè ditĩnni

dierì mari dièmmè kè dè ùuti ke dò mmenie nduò kucúcuku, ke péú fetafè kōme ke tú: Adeduya! Sāntenè ti Yiè nKuyie nkùù kpeñni ke tú okpààti, ke baké. ⁷ Dè nti naati, ke yé Kuyie mpebii yóó túótémè di pokù, ò bàátí ke dèèmu. ⁸ Kuyie nhò sàrimu koò dàtínné tiyaàkpeti tìi wenni ke mièti, tìi tu ku kōbe pī mmùù tōmmú sààmù kù dō mù.

⁹ Kè Kuyie ntōnni n náké ke dò: Wāri ke dò: Dè nnaati Kuyie nyú bè ku pebii potúòmù, Kuyie nkuù tì bēi.

¹⁰ Kè n nínkú ke bo di sante kè di dò m báá di sante kè di tu Kuyie nkóo tōnti nwe ke dōnnè mí nnè Kirisi kōbe tōbè, kè n sante Kuyie nku.

Yesu náké tì, Kuyie mpānāānti náambè do nàké tì, tì ti nnáá.

Wèè dèke tesāmpéítè ò namè dikpànni

¹¹ Kè n yà keñkè kpetémè, kòò mōù dèke tesāmpéítè kòo yètiri tu: Timómmanti, kòò dōdōri Kuyie ndómè ke bekù nè timómmanti ke kpa nnè timómmanti. ¹² Kòo nuò ncóu mmuhāā nkòò òké yekpààtipikè, kè diyètiri mari wāri ye ñnkè kè weè mää di yé. ¹³ Kè bè ò yu ke tú: Kuyie nnāānti. Kòò dàátí diyaàbòri kè bè di mèù mmeγī. ¹⁴ Kè keñkè kó tihāāpānti ò tū nke dáátí tiyaāsàati tikpeti tipéiti ke deke sisāmpíé. ¹⁵ Kòo cēmmú bèè yete Kuyie nkpeti nè kumátipàati, kè kuseú natikù yìenì o nùù ò yóó bè kùānè kù, kè bè benke Kuyie nkperikù mièke bè cóummè kè be γī mpōnté kè ndò bè òō naumè yetebe diyetitùò mièke. ¹⁶ Ke wāri o yaàbòri ñnkè nè o kpèri o yètiri ke tú: Bekpààtibè kóo kpàati, bekótibè kóo kótì!

17 Kè n yíé káyà Kuyie ntõnni marì kè di còmúmú diyìè také, ke pĩèkù ke yu tinòtì ke tú: Tíinnènní, kè Kuyie ndi ànné dibanni dierì kè dí di. 18 Kòtenèní kécò bekpààtibè, behāāpòmbè iwēī yembè, bekpèribè, sisēī nè si dèèbè, benìtibè bemou, tidaatì nè bèè í tú tidaatì, bediebè nè besámòpòbè.

19 Kè n yíé káyà musĩmmù nè kutenkù kumou kó bekpààtibè nè be kó behāāpòmbè, kè bè tíi nke bo dokénè wèè dèke tesāntè nè o āāpòmbè. 20 Kè bèe kpetínné musĩmmù nè wèè do sou nke tú ò nàá nKuyie mpāānāāntì, wèè do mù neínè ke dōori tidietì. (Ò do dōori tìi dietì ke suó mù cànnè bè, kè bè nninku ke sántí mu tenkaanìtè.) De kó musĩmmù nè wèè do sou nke tú ò nàá nKuyie mpāānāāntì, kè bèe bè dootóo befòubè kuhāābinku, muhāpòpòo mmieke, 21 kékuò betòbè nè kuseú kùù yìèní wèè dèke tesāntè o nùù, kè tinòtì be cò kékpenke.

20

Kuyie nyóó kpetínnémè dibòò yebie ntekoupiítè

1 Kè n yà Kuyie ntõnni cùténímè keĩnkè ke tò difòtìrì cūmpuri kó sikpetínsi nè mefĩmme diemè. 2 Ke pĩ ndinìtìrì, fèwààfè fèè do bo nè dimònni, fèè tu Satāā kébou kè di mboú ke dò yebie ntekoupiítè (1000). 3 Kè Kuyie ntõnni di dootóo difòtìrì cūmpuri, ke kpetínné kápáá nképōnné, kè di nke bo kè yebie ntekoupiítè yàa deènè, bá di ténke í sou nhòmou. Kè bèe wēte ké di fĩ ndimònni sām̀pó.

4 Kè n yíé káyà yekpààtikàrè, kè Kuyie nduó mbèè yè kàri muwērimú kè bè bo bekénè benìtibè. Kè n yà becírìbè bè do kùò bè, bè nàké mèè kpéí nKirisì kpéí nè Kuyie nnāāntì. Bèè do í yie nke nínkú kédou

mmusĩmmù nè mu tenkaanìtè bè í nyie kè mùu bè cànnε βε tĩ nyoo βε nou. Kè m bè yà kè bè yǎnté κε wēhñnè Kirisi κε yo ntikpàtì yebie ntekoupiítè. ⁵ Bèè yǎnté bèμβε μεketimè, kè βεσμβε yóó yǎnté yebie ntekoupiítè bo pēētémè. ⁶ Dè nnaati Kuyie ncǎnné bè, bèè keté κε yǎnté, bè ténκε í yóó kú mukúderímù, bè yó ntú Kuyie nnè Kirisi βε kó ikuó niùbè mβε, kénwēhñnè Kirisi κε yo ntikpàtì yebie ntekoupiítè.

Kuyie nyóó namè dibòò nè di kòβε

⁷ Kè yebie ntekoupiítèε (1000) pēēté kè Kuyie nkpeté dibòò. ⁸ Kè dìi suó titentì timou kòβε, κε tíi nKuyie nkprantídèntòbè bè tu bè: Kòku nè Makòku *, kè bè nsū κε mǎnnè dàμέèrì kó mubirímú. ⁹ Kè bèè íté kécēēte Kuyie nkòβε dihei ku dó di. Kè Kuyie ncũũnní muhǎá nkè mùu bè kùò. ¹⁰ Dε mǎnnì kè bèè dootóo dibòò dìi do bè sóu mmuhǎá nnè kuhǎábinku muhǎpòpùo mmíεκε, musĩmmù nè wèè do sóu nκε tú ò nàá nKuyie mpǎānǎāntì dε borè, kè dè nfēũrì kuyie nnè keyènkè sǎà yebie nyebie.

Tibeénti sǎnti

¹¹ Kè nwènté kémóntóo ketenkè nè κεĩnkè, káyà dikpààtikàrì péiri dièrì, kòò mòu kàrì di ìnkè. ¹² Kè n yà βεcírìbè: Bekótìbè nè βεsǎmpòbè, kè bè còrímú dikpààtikàrì ìkè, kè bè pĩnte yepáte, bá wè o dòòrìmè wǎrì dè. Kè Kuyie mbè bekénè βε dòòrìmè dòmmè. ¹³ Kè dàμέèrì tēnnénì βεcírìbè kè kudònkù

* **20:8** Kòku nè Makòku: Kòku tu dihei ndi kè Makòku tu dε kó dihei kóo kpààtì yètirì (wénté Esekieri 38:2). Ke wète κε βenkú yebotè yèè yóó íté κε bo kpànnè Kuyie nnè ku kó βenitìbè yemòrè sonye.

ténnéní ku kabe, kè bèe bekénè bá wè o dṑrìmè dṑmmè, ¹⁴ kēpī mmukūũ nè kudānkū, kēdootóo kuhāābinku miēke mùu tu mukúderímù. ¹⁵ Kè bè í yà wèè yètìrì mufōmmu pátìrì miēke bèe ò dootóo kuhāābinku miēke.

21

Kēĩnkè pānkè nè ketenkè pānkè de kó tináàntì

¹ Kè n yà kēĩnkè pānkè nè ketenkè pānkè, kekótíkè nè dāméèrì kè dè pēēté. ² Kè n yà dihèi sàari Sedisadēmmu pānwè, kòò cutinì kēĩnkè Kuyie mborè, ke sàri ke dō nhosapàà nsàri ke kōri o dāu. ³ Kè n kèè òmōu pīēkénímè dikpā̀atikārì borè ke tú: Di mmā̀nnì Kuyie ncīētè bomu benitìbè cuokè, kù yó mbè bonēmu kè bè wē nkè bè tu ku kabe, kè kù bè te. ⁴ Kè kùu ūtè be nōnniēti páíí. Mukūũ mbá mbo, yekúdabùò mbá mbo, isáútìi bá mbo, mumāmmú bá mbo, dekótírè demōu yóó pēētēmu.

⁵ Wèè kārì dikpā̀atikārì ĩnkè kòo béi nke dō: Di mmā̀nnì m bo dṑ demōu depā̀nnè ke yíé dō: Wāri n yóó da náké tì, tì tu timómmā̀nti nti ke dō ndí tì yie.

⁶ Ke yíé kēbēi nke dō: Dè dṑ ke dēemu. Míi tu oketiwè ke tú osānwe, ke tú diketírì ke tú kumā̀nku. Kè sinéyēi bo wè m bo ò pā mufōmmu binte nie nkòo yā kēnfòu. ⁷ Bèè bo na kētuəke kumā̀nku m bo bè duó n yē n yóó bè duó ndè, ké mbè te kè bè tu m bí. ⁸ Ifōwā́ nyembè, bèè í dṑrì bè náá ntì, bèè dṑrì isəke kperε, benitikò̀ubè, bèè dāunè betəbè, betediibè, bebə̀oféúbè nè siyá̀abisí yembè, m bo bè ā̀nnè kuhāābinku nè muhā̀pò̀pò̀o mmieke dèè tu mukūũ ndérímù.

Sedisadammu pànwè yó ndòmmè

⁹ Kè Kuyie ntōrè yèyiekè kó òimari, dìi do to meyei nkó òbòòke sonyi iyiekè n yu ke dō: Kōtení kè n da benke Kuyie mpebii pokù.

¹⁰ Kè Muyaáansààmù m píe nkè ku tǎnni n túóté, kédekenè ditāri dierì mari ònkè, ké m benke dihei sàari Sedisadammu wèe cutiní ke ònkè Kuyie mborè. ¹¹ Kè Kuyie nkó tikpeti di dàátí ke pīnti ke dō ndoii ke dō ntewèitè, ke miēti ke dō nyetāsàayè. Kè òimari dō ntinóbènti kè diteri dō ndoii ke dō ntewèitè. ¹² Kè di duotí okù mediè nke mōke yebòrè tepíitè nè yèdéè, kè Kuyie ntōrè tepíitè nè yèdéè yè bàa, kè de kó yebòrè wāri ye ònkè. Isidayeeriē wuō ntepiitè nè idèi yètè. ¹³ Kè de kó yebòrè keú tipūti tināa: Yētāati diyie yè kèè bíékè, yētāati di taā kèè bíékè, yētāati kubakù cānku, yētāati kuyou. ¹⁴ Kè de kó kuduotí cómmú yetārè tepíitè nè yèdéè ònkè. Kè yè wāri dipebii tōrè tepíitè nè yèdéè yètè.

¹⁵ Kè Kuyie ntōnni dìi n nàánnè kè di to kusōpāati, kè bo benné dihei nè yebòrè nè iduotí, ¹⁶ kébenné kè dè mma tipūti timōu nè mehokùmè nè mecómmè, kémmo cìdòmétírìbè sikōupísidé nè sikōusidé (2200). ¹⁷ Kébenné kuduotí cēè nkè mè mbo métírìbè sipísikuò nè bènùmmù (65). ¹⁸ Kè kuduotí maánè yetāsàayè, yèè dō ntinóbènti, kè dihei maánè mesō mmèè dō ndoii ke dō ntewèitè. ¹⁹⁻²⁰ Kè bè dāri yetāsàayè yebotí yebotí dipūū, kè òimari dō ntinóbènti, kè diteri dō nyekūō, kè diteri dō mmeyī, kè diteri dō nfetònfè, kè diteri dō mmebèrimè, kè diteri dō ntedàntè, kè diteri dō mmutápeí. Kè diteri dō ntiwetì, kè diteri dō mmekòcèburimē. ²¹ Kè yebòrè tepíitè nè yèdéè dōdònè

Yesu wētínímè bàmbà

⁶ Kè Kuyie ntōnni n náké ke dò: De kó tináaànti tu timóm̄m̄anti nti ke dò ntí ntí tǎ. Ti Yiè nKuyie nkuù píe nku Yaá nku pǎānǎaànti náam̄bè, ke tōnní ku tōnni kè di bè náké dèè yóó dǎò.

⁷ Kè Yesu dò: NdaKenè n wētínímu bàmbà. Dè nnaati wèè yie ndi mpátíri náaànti.

⁸ Mí nyIsāā n kèemu ke yà de kó denennè, n kèè diì mōnni ke yà kénínkóo Kuyie ntōnni diì dè nni mbenke, di ìkè ke bo di sǎnte.

⁹ Kè di dò: A báá n sǎnte, kè n tu Kuyie ntōnti nwe, ke da dōnnè nè Kirisi kǎbe tǎbè, á sǎnte Kuyie nku.

¹⁰ Á báá yóu a bo nákémè di mpátíri kó tináaànti, ke yé de mōnni tōníním̄mu kè tì yóó dǎò. ¹¹ Meyei nyiè ndǎke sǎté o yei, wèè sī nkòo dǎke sīnte, wèè dǎòri mesàà nkòo dǎke mmè dǎòri, wèè dò mpáíí kòo dǎke wénkùnne omáà.

¹² Kè Yesu dò: NdaKenè! N wētínímu bàmbà nke bo yietí bá wè o dǎòrimè dò mmè. ¹³ Míi tu Oketiwe ke tú Osǎnwe, ke tú diketíri nè kumànkú.

¹⁴ Dè nnaati bèè òú be yààti kè dè bo yie nkè bèe di mutie mùù duò mmufòm̄mu mu kó yebe kéta diheì kó yebòrè. ¹⁵ Bèè dǎòri isǎke kperε, betediibè, bèè dǎutinè betǎbè, benitikòùbè, bebǎǎféúbè nè siyáàbisí yembè, bembε kó dimàà yó mbo ditowaà ndi.

¹⁶ Mí nYesu m̄i tōnní n tōnni kè di tì náké η kǎbe t̄irè. M̄i tu Dafiti yaàbire, ke tú tekūnwentéwâtè tèè p̄inti.

¹⁷ Kuyie nYaá nnè Kirisi kǎbe bèè tu o pokù ò tǎàté wè kè bè dò: Kǎtení!

Bèè kèè kè bè múnke dò: Kǎtení!

Kè sinéyǎi bo wè wèè kǎtení kényà fààrè menie mmèè duò mmufòm̄mu.

Bè caummè wèè bo kaa ndi mpátiri

¹⁸ Mí nyIsãã n náámmu bèè kaa ndi mpátiri ke tú: Wèè yíé tìmatì de miεke Kuyie mbo ò yíé meyei mbè nàá mmèè kpéí de kó dipátiri miεke. ¹⁹ Kòò mmòù me nyààte tìmatì, Kuyie mbo o mònte mutie mùù duò mufòmmu mu kó dibii, bá ò báá ta diheì sààrì kù nàá ndìì kpéí dì mpátiri miεke.

²⁰ Mí nyIsãã n náá mómmuò nwe ke tú: Ò béímmu ke tú: N wētinímu bàmbà. Dè mme ndò! Wētēnī ti Yīè nYesu!

²¹ Tì Yīè nYesu kó mesàà nní ndi bonè dimòu.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16